



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七三〇

蕙襟集十二卷 馮秀瑩 撰

一

蒙廬詩存五卷 沈景修 撰

八九

窓齋詩存九卷 吳大澂 撰

一三九

窓齋文稿一卷 吳大澂 撰

二〇三

鎮亭山房詩集十八卷 鎮亭山房文集十二卷 陸廷黻 撰

二一五

遠志齋稿六卷（文稿四卷詩稿二卷） 葛士達 撰

五五五

通雅堂詩鈔十卷 通雅堂詩續集二卷 施 山 撰

六六七

慕陶山房詩草二卷 慕陶山房賦試帖二卷 慕陶山房制藝一卷 王作樞 撰

七六五

蕙襟集

年愚姪張權敬題



畿輔先哲傳馮斌附傳

天津徐世昌撰

馮秀瑩字子哲咸豐二年舉人充景山教習同治二年選授雲南恩安知縣以循良課最調昆明甫受事聞父渠病即乞養歸時滇遭回亂凡引退者輒罪以規避秀瑩堅請於巡撫林鴻年再三始允改教職歸而父已沒矣既從楊禮南校士四川服滿改中書旋改同知需次蜀中十年轉饒入都敘勞擢員外即以貧故仍返川歷主講芙蓉少城錦官書院光緒廿三年沒於蜀年六十三初秀瑩娶沈一清女仲懿工爲詩詞夫妻唱和互爲師友甫十年而卒秀瑩方壯年誓不再娶取七發意自號梧桐居士名其齋曰守雁山房其所爲詩古文詞卓然名世而詞尤工晚號據

傳一

月生手輯蕙襟集四十卷藏於家

傳

大興朱瀛瀛

馮部郎秀瑩傳

馮君秀瑩字子哲一字蕙蓀本浙之慈谿人乾隆間高祖某公移家京師隸大興籍曾祖某舉人祖沆某科進士某官父架道光丙午舉人貴州施秉縣知縣君幼即穎異博極羣書文采冠時而天性尤摯配沈恭人字仲懿處士一清公女也唱和相得時有比肩人之目咸豐壬子君甫弱冠登賢書充景山教習東南寇亂方熾輟舉業覃研經世之學拭硯進用頗遭逢不偶累世清宦家又甚貧父解組自黔歸責生計於君廩祿外恆恃館穀藉供菽水水歉無閒仲懿夫人相莊十載生二子歲庚申以弱疾殂逾年母

傳二

一

夫人復卒父益老病會起復引見以知縣用同治初元試禮闈已入彀仍不第乃亟思得一邑以資祿養二年冬銓授雲南恩安令滇方為叛回所據官多不赴且路至遠乏川資君萬不得已泣然別親隻身就道行李多未具其友朱鶴瀛送之廣渠門外會為泣下既抵省理其邑大治調昆明首縣方受任聞父病篤時南北路梗文報常隔功令滇省官勿許告退乞養引疾皆以規避論惟受劾可去君以是請於上官巡撫林公鴻年甚重君執不可垂涕固請至數四乃曲從之改教職亟回車而父已卒萬里奔喪遂幾身殉既而同年友楊公禮南視學全川延往襄校服滿改中書又改同知需次於川辛未秋轉餉入都歸應敘

勞得美缺忽部議甄別人員斬外任乃改員外郎復無力分部仍返川歷主講諸書院人無不知有馮部郎者如是

廿餘年遂終老於蜀矣方君之失偶也年方少壯僉謂必膠續君伉儷既異常人內顧有子遂婉告親庭誓不再娶取七發意自號桐根居士名其齋曰守鴈山房又鐫小印曰慕奉倩之為人齋瀛營見其述哀詩百韻纏綿懇摯洵非奉倩無以當之所為詩古文詞卓然名家尤以詞為最情韻上頡周柳音節尤嚴 國朝詞家所不及晚號握月生手輯全集四十卷曾寄余副本為君猶子恕號公度者持去云浼陸申甫方伯刊行迄今尚未出版君自癸亥春與余訂交別後兩入京聚晤皆未甚久光緒丁酉君年六

傳二

二

十有三遽沒於蜀頓成隔世有兩弟一組雲部司務章煥一景明茂才正耀皆與余為忘形交後先不祿君在蜀以勸振功晉四品銜而郎署竟夫一入沒後僅遺一孫仁鎮姻唐頃尙未能旋里噫才人無令自古為然若君之兼有至性非僅才人實古所謂金玉君子者設遂顯達上之論思 堂陛下之斧藻詞林皆可逸美康乾昌明運會乃奇光瀾鬱至久為寓公以沒平生著述又未及身以傳良可痛已余嘗年文字契友若同里徐訐卿啟謨許容生以保王子馮鵬齡邵香旺承照昌黎崔子玉樹寶臨桂龍松琴繼棟皆卓有可傳未獲大伸其志而君為尤甚偶理舊牘緬懷擬誼蒿目時艱輒不禁執筆汎瀾而詳為之傳時宣

統三年春正月

傳二

三

述哀百韻詩序

聞之管幼安曰每省曾子王駿之言意嘗嘉之豈自遭之而違本心孫楚除婦服作詩示王濟濟曰未知文生於情情生於文覽之淒然增伉儷之重余讀守鴈山房百韻詩未嘗不高其義且歎爲近今賢士大夫之所難也守鴈主人馮君蕙襟浙之慈谿人性狷潔義不苟合當世弱冠荐於鄉舉舉進士不第除溟南恩安令非其志也博學工文辭得一書詳熟然後寘值本卽校不以再三限騎竹之年蚤諧賦詠所造日以進其體裁不一格時而搏虎豹刺蛟龍囚鑠惟異時而天韶女郎唱曉風殘月做詭變化不主故常德配沈夫人雅能詩笙磬同音琴瑟靜好房中之奏雍雁如也中年喪耦絃不再張亦不更置筵室然其情愈至其詞愈工同治甲子秋余奉

楊序

命視蜀學君適之任恩安出都門約與偕陸共車水同舟無日不見見輒上下議論竟夕無勑容文采風流卽之如珠玉照人而余每於靜中嘗之覺其至性寡諧幅巾蒙頭無復塵世間想舟中出所作悼亡詩偶敘及夫人生平軼色沮聲咽詩詞稿不下數百篇率片紙塗抹投篋詩不復理大抵皆纏綿悱惻之音深得風人之旨余已允爲編次別哀一集嗟乎短長者命也終始者性情之正也未俗沈溺漸用色授床第之際難言之洎乎歡墜惠心妍狀愈貢魏焉矧其華落靡弗愛渝鼓盆之歌宜其作乎守鴈山房

詩詞其亦足以厲天下之薄於情而寡於義者余未及見
夫人讀蕙襟之詩想見其風範恪修內則六珈偕老禮亦
宜之而祚之不永者命可悲已蕙襟才華卓越容貌秀偉
且以彼其年再求嘉耦誰得議之顧寂處若是情之至性
之正也繫詞曰夫婦之道不可以不久也左氏傳曰能敬
必有德蕙襟有焉世有王駿管幼安其人者其詩詞之傳
固其緒餘耳噫糟糠之妻如此貧賤之交可知嗚呼難矣
同治五年丁卯夏六月朔懷甯楊秉璋禮南拜敘

楊序

蕙襟集詩詞雜體序

蕙襟先生者浙慈之名下士也以咸豐壬子舉於鄉禍選
得滇之恩安令值滇省歲遭兵燹先生淡於仕進遂去官
而作蜀遊前川督吳勤惠公深器之欲任以二千石繼軌
文翁乃薦諸朝屈於吏議遂改京秩而先生知時命所
歸不復就道惟以經史自娛曾再為學使襄校鑿衡悉嘗
繼復掌教涇南士論翕然嗣為岐子惠將軍敦聘少城主
講丁亥之春增以奉諱遊蜀入子惠將軍記室因得識荆
焉少暇輒往聽教兼借讀先生所著守雁山房詩詞雜體
凡八冊迴環雒誦循省再三知先生之為人鍾於情安於
義命務以狷介自持讀書矜矜式漢唐講求根柢不屑屑與

孫序

時俗競弋獲故其所為文博奧近古詩詞雜體亦深得風
人溫柔敦厚之遺問及應時體例亦曼曼獨造不隨俗波
靡是亦可謂能人所不能矣而更有異焉者遭際奇窮操
持堅定壯年遺賦撤瑟誓死居齷及艾抱痛喪明孫從祖
育極艱難困苦之遭輕重之權衡弗爽每遇感時撫事有
作動欲為斯人振曠發聾是將大有造於時特惜乎潛隱
之莫致其功也倘使勤惠公薦果得請豈獨蜀之人士歌
召父杜母哉其節行之砥石礪俗成就將有大焉者矣增
少不敏而又鮮從名師益友遊既冠從軍越南奔馳於蠻
烟瘴雨之鄉而學益荒迨丙子秋僥倖獲售又以家貧力
難屢試春官遂棄筆作塞上之遊者九年亦仍無所取益

孤陋罔解乃先生忘其不舞之鶴遽命學翔而用親炙日
久私淑情深慕先生之行讀先生之作亦何敢以不文自
棄爰摭拾見聞所及以誌景仰焉
光緒甲午年三月孫增拜敘

孫序

述哀百韻詩序

一起如哀弦悲角中夜并作中數段如秋蟲穴壁哽哽咽
咽令人不寐如孤鴈瑟縮啜沙背斷嘶與殘鐘零析聲相
應至末段則四弦裂帛萬念死灰不知涕之何從矣五排
百韻以杜工部夔府詠懷等篇爲主臬段落分明才力包
舉至情至性又發於中之不能已宜大箸之必傳無疑矣
愴曩在皇華館讀此章甫一過歸不能枕輒呼酒作寄內
八首信乎情之感人深也

同治四年重九前三日弟何明拜識

何序

序

馮滋浙先生腹滿文章曾羅武庫直北績學士也其生平梗概已見諸畿輔先哲志中無庸再覩縷目述惜余生也晚未獲親規丰采互相切劘不禁令人扼擊嗟辛酉君猶子公度參事曰先生遺集問序於余余不敢曰不文為辭爰謹如所屬竊謂笙簧六籍有饌百家段詞藻曰怡情託章句而壽吾雖儒者之緒餘無當於身心性命之實學朕言為心聲心之純者其言必絳江海而長文曰載道道之積者其文必耀星辰而上君天才亮特磊落英多覽瀕蜀之山川足供詩料妙楮墨之驅遣非等空談大著諸體言皆有物無美不臻固已風琴雅管詠詞憶萬里襟懷錦照

序

金題珠玉皆九天咳唾矣脫使天假之年俾得竟其所長將見功名事業彪炳寰區不僅曰曹司終更不僅曰文藝傳也迺彼蒼忌才中道殛讎徒令吾於人往風微之下申嗥引而貢弁言焉是則寸衷所鬱鬱不憚者敢告公度其將大集剞劂行世用曰昭茲來許垂家乘而楷模士林庶幾慰君之翦爽云爾豈維重充化匪劇陽中月盼滄塵主人載洵拜序

序

從古文人恒多厄遇然或靳其遇而不能靳其才詩書之澤深英華之蘊厚而篤學深思又足以貞其遇莫之或厄也

年伯子哲馮先生名門舊族夙慧挺生趨庭之暇無常師而善自得師所著詩古文詩詞真放精微落落出人意表早歲領鄉薦不得志於禮部一試宰官旋改京秩客遊西蜀徜徉終老令子早亡與孫為命所遇抑何窮也而先生天懷浩蕩蕭然物外夷險一致嘯歌自若飲酒則終日涓克喪偶則中年弗娶其得於性情之正如此故其為文也醜而後肆以奇以葩駢體沈博絕麗掩映風華樂府詣力

序二

最深導源於温草納軌於周秦每當遺道懷人深宵憶內長吟曩詠低徊欲絕迄今芟落之餘猶存百數十首富矣哉而先生之才猶未盡也曩癸酉甲戌間先生自蜀來京假館寒舍課諸弱弟侍坐餘閒餽聆緒論先生精於漢書提挈宏綱搜尋義如瀉瓶水如觀掌紋漢聖之日茲時頰首偶及軼聞舊事叙述典則敷佐繁縟使得隨筆記前儼然晉唐小品蓋先生戢影衡門耳目接近無高文典冊以助其發皇無清廟生民以恣其涂改僅備閭房惆悵之辭人事牽率之作雖復殘稿盈尺實不足振暴其才聊於酒闌茶罷之餘資為嗚噓咳唾落九天隨風成珠玉天才之橫溢為何如也滄官城外浣花草堂杜老之所遊也先

生千載結鄰差不寂寞而况吾宗阿買謹栝椽焉九原可
作其或啟顏而笑乎年家子爽良拜撰

序二

二

蕙襟集詩評

任他地久天長耐到海枯石爛自非金粟如來後身未易
有此定力也知我者以爲天下之奇男子也可不知者以
爲天下之癡男子也亦無不可辛酉季春
丙繼宗評

曾子喪妻終身不娶曰高宗以後妻殺孝己尹吉甫以後
妻殺伯奇王駿喪妻不復娶曰吾德非曾參子非華元又
焉敢娶管幼安喪妻或勸之娶曰每思曾子王駿之言意
常嘉之豈今日自遭之而違本心哉今子哲如此今吾穆
然於古之人矣王戊初春
繼宗又評

情真語痛悱惻纏綿令人不忍卒讀今因子哲仁弟以名
孝廉出爲恩安令行見循良報最勲位日隆如元微之所

詩評一

云今日俸錢過十萬與君替莫復營齋亦可稍釋悽愴之
懷矣然子哲豈羨一朝之貴願尋再世之盟立志不愧幼
安述哀可追潘岳申茲五願矢以終身無俟鄙人之贅言
也祝銓
評

五倫之始萬化之源皆造端乎夫婦古稱守身全義克敦
是倫者惟曾子及管幼安荀奉倩潘安仁諸人餘則不數
數觀吾友蕙襟與余同官滇南初交時每一論及忠孝節
義之文章經濟之學則言之娓娓論史證經抗心希古
心折之餘已知器宇不凡矣及讀所作述哀百韵情真義
摯言言肺腑乃知丁年喪偶矢志不續是不以世俗之所
難能難爲者而獨力能之堅心爲之卽此一節已徵與古

為徒百折不回足為人倫表率益信平昔之淹貫經史其
議論文采上下古今者悉欲見之行事非徒託諸空言凡
此後之或出或處必大有表見於世而不可磨滅者敬望
慎終如始以一勵百定為蓋代人豪也交游之光寵孰大
於是

胡秀山評

詩評二

弁言

蕙襟手輯全集四十卷光緒辛卯自蜀寄余乞為審定碌
碌久閣 君旋歸道山會胡笑珊陸申甫兩君出領外臺
展轉勾去云付梓人亦迄未果余時引為至憾忽又三十
稔乃重得之 君猶子公度家楮墨完好若有默相之者
公度仍舉以屬余並力任梓行爰竭旬日力就原本仿漁
洋精華例存各如千首訂為四冊十二卷返之公度冀速
成事 君天才瞻逸雖牢落不偶而志行邁古名流所詣
皆最上乘行見此集一出與長洲秀水同稱一代大家且
際茲時會尚俾余不負諾責克觀其成固尤耄老之懷所
深幸已至 君之生平具見畿輔先哲志暨余曩所作馮
部郎傳中茲不復贅云夏歷庚申余月朔素園老人同里
朱篤瀛芷青氏頓首拜識

弁言

一

馮蕙襟全集

目錄

卷一詩集

五言古詩二十二首

卷二詩集

七言古詩十六首

卷三詩集

擬古樂府十九首

卷四詩集

五言律詩十九首長律一首

卷五詩集

七言律詩五十六首

卷六詩集

五七言絕句三十首

卷七詞集

原輯未次先後一仍其舊

詞五十八首

卷八詞集

詞六十一首

卷九詞集

詞六十一首

卷十詞集

詞五十四首

蕙襟集目錄

一

卷十一文集

各體文十三首

卷十二文集

應俗文十一首

蕙襟集目錄

二

蕙襟集卷一

大興馮秀瑩子哲著

姪恕公度敬梓

五言古詩

題孫鐵珊橫雲書屋集

窮冬客潞河風頑石亦凍愁如虎狼秦欲避苦無洞走尋
 吾好友狂談快始縱歸攜橫雲集秉燭飲且誦滿室煙冥
 冥條然廓塵霏君才信奇絕啾鳥一威鳳潘陸並廊廡班
 傅參伯仲詩篇尤巨擘鬱乎作文棟歌行勇可賈律絕姿
 善弄想當墨濡豪有若鞭就鞞百家效馳驅萬象隨營控
 伐材歌章辨槩柢風雅頌神漢軒其波天衣滅盡縫匪獨
 工設色兼亦妙託諷音激中散哀時感太傅慟靡彼論癡

蕙襟集卷一

一

符餉之益智稷睥睨在三唐不知世有宋於戲如斯人乃
 困首藉俸射策失甲乙徇鐸勞倥偬令我塊難平欲叩九
 閭訟憶昔定交因新聲賣花送款闕夜相訪嚶鳴和黃喑
 見即超故知蓋傾枕已貢滙滙證味合城府謝甲衷從茲
 數晨夕書史互磨礱寒解淮陰衣眠敲嗣陽甕屬意各千
 秋語不願驚眾剛賜取舍同勝遊追逐共秀瑩落拓者散
 木誰賞贖先生加咳唾腐草得露種握蘭齒以序攻茅痼
 必中養性無嫉情譬諸飲乳渾手詞更招邀角酒開陪從
 敢狎齊晉盟竊效鄒魯闕屈指十年轉瞬春過夢衰毛
 星半蟠窘狀月屢空迴首光景非怳怳此心恫負改梁鴻
 春機斷蘇蕙綜南宮三點額望杏尙餘痛幽憂日抱疾恆

鑄島佛供章句何足臧君言豈我哄緬懷古人志生才定
 有用先生人中傑餘事繼文統眼小四滄溟胸吞九雲夢
 終當曳繡裳與世覆錦幃大鼓掀天風直掃掛樹淞露布
 下吳越持節復秦雍吐氣壯吾儕詩仍以人重

題崔仙侶漢印譜

閉關謝塵喧端憂度歲晏輟無陳侯跡疾有馬卿忠是時
 雪晴初顛泥沒兩軒忽聞叩扉聲轆轤走風轆清河崖夫
 子澹蕩本隱宦好奇等嫫媧嗜古甚芻豢示我一印文斑
 駁丹彩縱云昔三齊王秦李曾左縮函開形狀呈頗亦美
 顧盼縱橫薤葉披宛轉藤絡串疏疏作星拱拂拂見雲縷
 朱冠叟獨峩紺髮童兩卵悍如焦赴鑊突若起就輶背馳

蕙襟集卷一

二

七雄爭對舞八士髣髴鋒破竹節側勢析瓜瓣狎逼鹿呦
 呦活潑魚油油縱未湊神奧要自遠俗澗弁以序一篇攷
 訂逞精辦數典腴漢雋辨物哲齊颯乍觀驟駭三復啟
 隙間貌雖虎賁似事近鴻冥算我思三齊名於古鮮附襟
史記漢書皆云遂并王三齊之地乃史家記事
 之文至封爵則止云齊王無所謂三齊王者王章不稱
 印律法孰敢慢班馬書具存斯言豈欺謾近代喜作僞象
 人乃善幻石工尤狡獪好手競裝扮恣效美女顰故狀病
 夫痴譬諸彼行葦往往昧葭亂譬諸彼采薇往往雜藜莧
 但謂宋楮真何論魯鼎贗雅流一見嘗識者詎可訕曰余
 性支離唯唯非所慣才猶氈氍鶴識管蒸離鸚先自迷菽
 麥馬敢剖彪彪志在山見慮意取道通棧聊獻疑者疑願

厠諫臣諫戈殊入室操甲類扣馬攬狂歌四百言警語愧
蕪慢學似素心人瑕癥共鋤鏡箴盲庶無靳報章矚飛雁

題胡富民畫梅兼用投贈

廣平曠代才天遣拯李溺剛風獨嶄絕峻骨恣凌轢當其
困瘁時志已萬仞壁偶為梅花賦弱不勝阿緡韓椽香若
流何郎粉欲滴後來皮襲美吟翫最賞擊顧疑鐵石賜胡
未綺語滌劇秦美新者法言頗辨析滿堂皆目成乃至憤
投汨微情與亮節異味共一鑑豁然悟厥迷賦桃發有的
果頭三屈律終被鴟鵂惕天稟非強能文貞何可說先生
嗜梅癖遇之輒忘感遂倩烏衣郎細寫黃鶴笛丹葩脂澤
豔素莠肌理哲帷張伴寢輿額懸破岑寂命我敷新詠妙

蕙襟集卷一

三

義苦難覓君昔從戎旃兵事多閱歷挺姿愛王猛英略善
祖逖既能犯雪霜復奚畏鋒鏑方今點蒼嶺旁午馳羽檄
君當部健兒往樹蓋代續盡梟畔回首血向某榆灑坐清
魍魅羣立受茅土錫伊余性狷狹雅近申徒狄舌劍緣佞
磨心冰為義激竟成窮技鼠甘作退飛鷁努力南和公遺
韻猶未闕願君行直道毅狀與之敵

四選

求友五十年所獲僅四選雪緣首僊蛻遺札皆天葩鑿物
神於音冥析誰箏琶老窮溼陽鐵詩膽懸劉又菑莫稭朱
青竹馬黃金車後來狀頭龐健羨鳩檠茶慧業雖終存鑑
火殊未加同年笑山子晚遇冠觸邪雋句與名章駱驛弄

鮮霞餘賢被罡風盡墮羅剎家謂時文也才難知尤難三復增
歎嗟

何事問明漢陽鐵豐潤孫鐵珊胡笑山君玉子同年仕
履均見後此蕙襟甲申在川作別卅餘年故所云皆余
少時狀至狀頭鳩檠茶時文羅剎家二語使
先生及今尚存當亦自悔其偏激也書讀

別幼方四首

清秋溽暑退倦客將南轅吾友字幼方臨歧索贈言我識
苦舛陋於古無可援矧君素通明寶質猶瓊瑤更變既以
熟目擊斯道存涓壤安能增適恐傷詞煩聊陳芻蕘義用
塞子意敦

孔明卧南陽伊呂思伯仲景略賈奮時隱然負梁棟即無
劉符遇何害一代鳳豈屑隨俗流爭食受牽控孟氏尚志

蕙襟集卷一

四

言吾儕益智穀願從張陳游不納曹李貢學海未至海國
已非盜養天馬必起凡偉人當邁眾
抱關不憂卑壁立不患寡歡歌遠塵垢靜志樂謨雅金張
宏石徒有惡賣卜者三牲不若菽朱門傲以瓦悠悠吾何
之相相任大治上公萬戶侯等諸鄙以下
適道既有術養生亦所資葛相貴蘇篇千秋鑒在斯譬諸
農播田雨暘兼乃滋又觀太平世賞駿罰其秕俾火濟者
水偏勝良未宜薑烏顛坳易酷毒久可危亢害承迺制先
民不我欺于雅非盧扁君自斟酌之

題禮南先生滋蘭樹蕙圖三首

昔我同先生扁舟過鄆郢杪秋氣蕭瑟擊汰趁雲影颯颯

吹素襟皓露有餘警睇彼山之幽眷此江路永眾芳猶未
歇荆臺色已冷緬懷屈大夫生平獨忠鯁旣揚杜若馥復
擢蕙蘭穎揭車問江離縱橫三萬頃某邱與某壑想像共
引領恨不生其間追隨唐若景

古人不可期吾道日以泰迢迢千載意奕奕妙手繪九畹
風散薰百畝煙聚藹濯纓拂白石脩然遠塵瑳美人絕世
姿容裳薜荔帶目成遂心與明良一交會蹊徑孰與尋宛
在豪素外憂賢共推轂乃識所見大好修苟可常眾嫉亦
何害吾其把鋤犁從公刈蕭艾

衰衣魯魯儒訪我敘契闊求劍舟是刻其語多強聒謂觀
先生圖然疑兩難割楚辭篇十七當以一言括孤衷無與

蕙襟集卷一

五

諒呵壁吐鬱闕先生除休明早據青瑣闥豈效痛飲翁欲
附名士末我聞歎息三日眯君未撥聖代不諱忠側席亦
若渴拔茅折疏麻何必異窮達

贈楚航太守還長沙

我來自劍閣百骸困崖隙及覩賢主人頓忘蜀道險秉燭
始君面眉宇盡光燄往復三四朝狂喜不自檢握蘭拜見
致兄事無乃忝聞君賦歸歟將別意內慊抒情代祖道語
質惡腹儉伊余負巔名存舌期去詣君今故鄉去芳草綠
初梁風送蘋葉洲兩迎桃花幄計程四之朔入門酌翠綠
用慰陟岡嗟兼舒蛾黛斂書吟韻流瑟夕眠香在簞羅衣
婉約薰綺妝細膩點觸我鰈魚泣痛若背受剡要知兒女

恩風雲雨不掩時賢矜作健所見反嗟嘆如君能者希并
包大且儼廣文聊折節恐以首藉玷君鄉富偉人一一鴻
上漸石室藏次第金甌拱壇玷聲動高曾渡江才上左分
陝艱虞資濟濟歲月易再再行也宏遠謨鼎峙毋自貶

代謁忠山武鄉侯像敬賦百言

贊闡據中鉉姦燄劇於莽三呼天俾龍一劍抉其網借荆
聊託足定益猶運掌泝流過江陽此地曾駐槩登山拜遺
像肅立心嚮往漢官有威儀相度詎巾警安劉存若綫盡
瘁爲負襁血食四十年微公不成享並驅伊與望駸駸角
而長大忠名斯符申賦志遐仰

題汪秋潭小照

蕙襟集卷一

六

錢唐天所鍾降才恆計稠有作必特達不爾卽奇窘秋潭
汪先生吳越士標準力伏陸騰象智捷霜擊隼厥業神悝
何乃心粹顏閔靚焉親解帶迎者遠銜軫飄然來滇池羣
眾服明允磬折持節使豈獨賢令尹庇厦千萬間受田六
百畝花叱犍童灌杯恣劍客引當其醉中歌大椿亦朝菌
俄而黠回鶴紛起熾獵狺嘯聚蠹目徒敢肆大邦蠹四遷
四焚掠尺帛不獲鞠行畏蜀道難到嗟粵裝盡斯圖幸未
失彩墨香可吮豪興宛昔年無事憾須眵高睨雲破葉危
坐石壓筍小妻紅白梅交勸關光鬢五男三女士長少都
惠敏後福恆河沙剎那飢且忍鰥生妄點筆扛鼎虛絕膺
聲雖布過雷義殊矛陷盾會當攜殼核來對好風緊

貞女詩

嗜菀不能集避藥不肯節世稱賢豪間兩端或首鼠英英
趙氏媛恤南族最鉅許字馬家郎眉白眾翹楚鳳樓翅雲
築鴻案待年舉忽焉郎病侵百藥莫之禦駕鶴竟上漢淒
涼玉曰杵趙女聞而悲行作泉下侶父母三曉警改容拜
且語既已結為蘿願終奉筐宮立嗣存其後庶無負心許
遺信與相聞誓堅疇敢沮著雍孟夏望墨車歸奠誦視破
千解冀譬如一炊黍長茲甘荼蓼婦邊郎臣俎賢者非過
情抱義敦古處其諸未委費遭難奮身拒胡為今之人利
途適得所頭銜耀朱碧自矜孽也巨請當歧路時作計效
斯女

惠襟集卷一

七

壽楊母張太夫人六十

我皇御中宇聖敬方日躋稜威海內臣不冒天下黎兩宮
萬萬歲孝養錫福視教育邁宣仁化感多齡觀懷寧有壽
母徽鑠由孩提系出公相家畫楣瑯棋數齡誦德象幾
載隨宦驪能為山水吟豈獨椒絮題相攸極名輩同郡嘉
姻締言歸存溪公問年纔及笄公文冠庠序吐氣成虹霓
廣寒咫尺間誰謂無唐梯藝林理作窟反以鶴雀棲九戰
不受降一笑歸灌畦他人為扼腕壽母容媿媿自非同素
心焉得謝勃籛閉門勗經學弋雁聽鳴雞耀首恥翠釵章
身陋綺鞋盛饌或三韭恆羞惟一齋壽母不謂辛甘之猶
脯鸞壽母不云滄温之猶錦綈善事我君姑唯唯顏色低

惠襟集卷一

八

息則視被絮行必隨杖藜道光辛丑春姑病形削鬢經旬
卧在榻日日增沈迷和緩雜棧苓杳莫闕端倪中夜壽母
起呼天拜且叩跪引霜雪刀股肉手自割整裾似無苦急
走趨窻西投之湯沸中融若冰散漸夫子殊未意亦不語
婢媵是夜星月輝簾動風淒淒神靈鑒誠懇髮髻來提撕
牽帷進君姑雨下聲咽嘶初服諫臣果旋釋哀家黎立令
委頓瘞未盡鍾玻璃聞者訝其速厥故疇能稽姑也悵歲
寒襦袴僮客齋姑也悵鄉癘丸藥傳刀圭善行天俾然不
待招與攜蜜香萬番寫何况千赫躡粵寇陷懷寧漂泊鮮
定蹊蘇常聊泛宅稍喜遠鼓鼙誅惠謚為康詎作黔展妻
家哲楊學士筆力甚怒猊前盧肯後王交呂仍攀嵇詞條
藍玉海賦藻香金閨九重願淵雲汝往臨巴氏為朕典學
校納稼簡稗稊既鳴山甫鸞遂燃温嶠犀蜀士久埋賢今
乃歌金鏡賞者讎無言廢者親相詆壽母三致意猶懼纖
芥睽畫圖論前型更邁金日碑仲季又五鳳燦若星聚奎
瑤瑜紛諸孫一一蘭蕙莢丙寅月日壯獻壽登瑞璋綵衣
雲錦屏紫誥黃金泥聽我歌壽母壽與南山齊十年再舉
觴學士行沙堤

過蘇墓因憶其詩感而作

子卿仗漢節當其未入關叱律激騫期壯哉忘險艱忠骨
已南瘞憤樹仍北攀能起萬古懦况及杆世間雷詩與結
髮恩愛何廻環人生苟同心有感齊靈頑惟空弗堅守負

義實厚顏生別難爲情抵乳竟來還茲章易焚草君子殊
不刪爲夫必自夫遺恨消塵寰在公雖小德高於武功山
讀史雜詩二首

鼎熟錮其蓋誰辨毛與鱗竄掘覆以苦可陷豺與麟匿情
本防敵作僞終賊身偶出片語虛敢信它事眞宵小伺肘
腋君子不望塵畏墮城府阻遂解金石親我有一巨燭得
自東海濱願與素心友持照光明人

雷臣責風化諫臣許風聞吹萬雖地局貞一實天斤平情
察顛末公道消紛紜偏私苟稍挾政與言徒勤畫臣失也
欺竊直諛則薰諫臣失也閤籽稂秬或耘騰章覆加覈又
判朋中羣貴官多護貴外內聯慝勲縮蟒倖成蚓洗瘴皆

蕙襟集卷一

九

爲雲小惠不義斷澠淄徒妄分取驚方規規妄寇伺翻欣
欣此議果利國何必爲我勳此舉果便民何必自我云必
使我無我然後君其君

涼波

涼波昨夜起慙我池上樹蕭蕭行可惜耿耿歲將暮故鄉
日云遠誰當共情素恂恍追昔遊黯然隔重霧幽憂迴難
釋中庭思且步人生如浮雲流宕不得住胡爲自踟躕三
歎復四顧廣野多悲風大道有歧路汴俗未能識急趨慮
妄附願與金石交委心任所遇

庸夫司馬長嗣補博士弟子員庸夫招飲余適病

喘走筆賦答

馮子杜門居小飲度春孟忽飛一騎報紙色與花映傳是
劉西江哲嗣藻芹詠我聞茂才舉在昔無與競今謂弟子
員相苗諺其盛迺翁久蠖屈後起固宜令命名非偶然取
義大且質異日宰天下靈臺活百姓願我喘吳牛不獲問
觴政率爾哦百言以辭以爲慶

春明

春明雨冥事取次勘筆硯叔夜絕交書蔚宗獨行傳冥思
深有悟坐照洞無眩小子俄斐然聊以達狂狷

蕙襟集卷一

十